


STAREHE BOYS' 2025 PREDICTION



Kenya Certificate of Secondary Education

ANTICIPATED KCSE EXAM



102/3

Kiswahili

Paper 3

(Fasihi)

Time: 2½ Hours

NAME.....

SCHOOL..... SIGN.....

INDEX NO..... ADM NO.....

Kenya Certificate of Secondary Education.

MAAGIZO:

- a) Jibu maswali manne pekee
- b) Swali la kwanza ni la **lazima**
- c) Maswali hayo mengine yachaguliwe kutoka sehemu nne zilizobaki, yaani Riwaya, Tamthilia, Hadithi fupi na Fasihi Simulizi.
- d) Usijibu maswali mawili kutoka sehemu moja.
- e) Majibu yote lazima yaandikwe kwa lugha ya Kiswahili.

SEHEMU YA A: USHAIRI

SEHEMU A:

FASIHI SIMULIZI

1. LAZIMA

Soma kifungu hiki kisha ujibu maswali

Lala mtoto lala*2

Mama atakuja lala

Alienda sokoni lala

Aje na ndizi lala

Na maziwa ya mtoto lala

Kukupa kwangu wewe kinofu

Kipenzi mwana lala*2

Lala mtoto lala*2

Basi kipenzi lala

Baba atakuja lala

Aje na mkate lala

Mkate wa mtoto lala

Tanona ja ndovu lala

Maswali

a) Huku ukithibitisha jibu lako eleza huu ni wimbo wa aina gani?

(alama 2)

b) Eleza sifa za wimbo wa aina hii.

(alama 5)

c) Onyesha umuhimu wa wimbo huu.

(alama 4)

d) Eleza ni shughuli gani za kiuchumi ambazo jamii hii inajihusisha nayo katika wimbo huu.

(alama2)

- e) Tambua mbinu zozote mbili za lugha zilizotumika katika wimbo huu. (alama 2)
- f) Fafanua changamoto **tano** ambazo mtafiti anaweza kumbana nazo akiwa nyanjani. (alama 5)

SEHEMU YA B:

RIWAYA- NGUU ZA JADI

Jibu swali la 2 au 3

2. Hivyo, alitaka kubadili hali hata kama ilimaanisha kukitia kichwa chake kinywani mwa simba. Alitaka kuliokoa jahazi lililokuwa likielekea mwambani kwa kasi. Lakini angeliweza vipi kupambana na utandu wa mahasidi hao?.

- (a) Eleza mbinu nne za kimtindo zinazojitokeza katika dondoo hili (alama 4)
- (b) Eleza sababu za msemaji kutaka kufaulisha kauli iloyopigiwa mstari (alama 10)_
- (c) Eleza umuhimu wa mrejelewa katika kuijenga riwaya hii (alama 6)

au

3. Dunia yote inajua aliyemsaliti Yesu Kristo. Unajua mtu huyo aliishia wapi?

- a) Fafanua muktadha wa dondoo hili (alama 4)
- b) Tambua mbinu mbili za kimtindo zinazojitokeza katika dondoo hili. (alama 4)
- c) Fafanua namna wahusika walivyowaendea kinyume wenzao katika riwaya ya

Nguu za Jadi.
(alama 12)

SEHEMU C: TAMTHILIA;BEMBEA YA MAISHA – TIMOTHY M. AREGE

Jibu Swali la 4 au 5.

4. “Huku ndiko kuvumilia hasa. Tazama faraja ilivyoalika sasa”

- a) Weka dondoo hili katika muktadha. (alama 4)
- b) Eleza sifa za msemaji katika dondoo. (alama 6)
- c) Onyesha jinsi faraja ilivyoalika katika maisha ya msemewa kwa kurejelea tamthilia ya: Bembea ya Maisha. (alama 10)

AU

5.(a) Changanua mtindo katika kifungu kifuatacho. (alama 10)

Maskini mke wangu! Kumbe ugonjwa haukumsaza mwaka baada ya mwaka. Umemla bila huruma. Awali niliona kama mchezo. Kumbe ilikuwa kweli! Kauli yake ninaona imesimama. Ni mwele hakika. Laiti ningejua, jana ningeishi tofauti. Silesi zetu za maisha tungezila zilivyokuja kwa furaha. (*Kimya*). Siku hazigandi wala jana hairudi. Sasa jana imebaki kuwa kumbukizi baada ya kusombwa na wakati mfano wa mafuriko msimu wa masika. (*Kimya*). Kwa bahati nzuri bado tupo. Ninaweza kuiachia dunia tabasamu iwe silesi kwa vizazi vijavyo na kila mwenye nia njema. (*Kimya*). Siwezi kuendelea kuishi hivi. Sasa nimekata shauri. Lazima niache njia ya zamani na kuifuata mpya. Maisha mapya. Pombe! (*kama anayeisemea pombe*). Umenichezesha kama mwanasesere kwa muda mrefu. Umeninyima fursa ya kuielewa familia yangu. Hapana! Siku zangu za uzeeni lazima nizitumie kumwangelia mke wangu mgonjwa. Lazima nimshukuru kwa vitendo kwa jinsi alivyojitolea kuijenga familia yetu. (*anapunga mkono.*) Kwaheri pombe. Buriani.

- b) Bainisha toni ya dondoo hili. (alama 2)
- c) Fafanua umuhimu wa msemaji wa maneno haya katika kuijenga tamthilia nzima. (alama 8)

SEHEMU YA D

USHAIRI

Jibu swali la 6 au la 7.

6. Soma shairi lifuatalo kisha ujibu maswali:

Binadamu hatosheki, ni kiumbe chenye zani, kweli mja hapendeki,

Kwa kweli haaminiki, hila ameficha ndani, la wazi ni unafiki

Ukweliwe haafiki, njama zake zi moyoni, usimwone ni rafiki

Mtu kuwa na tamaa, akitaka kiso chake, ni hatari kama nyoka.

Wengine watakuua, wakiona una pesa, hata zikiwa kidogo,
Hizo kwao ni maua, hupupiwa zikatesa, wakazifuata nyago,
Hadi kwenye wao ua, pasipo hata kupesa, wala kukupa kisogo,
Mtu kuwa na tamaa, akitaka kiso chake, ni hatari kama nyoka

Pindi kinunua kitu, hafurai Shaitani, bali tajawa chukizo,
Mtu kiwa mtukutu, tanunua mtimani, kwalo lako tekelezo,
Tamko lake 'Subutu', kuondoa tumaini, na kukuulia wazo,
Mtu kuwa na tamaa, akitaka kiso chake, ni hatari kama nyoka,

Aliye na taraghani, taabu kuishi naye, kazi yake kujidai,
Takusema faraghani, asosema kiwa naye, kupendeza maadui,
Hana faida nyumbani, ni mtu akuchimbaye, mradi usitumai,
Mtu kuwa na tamaa, akitaka kiso chake, ni hatari kama nyoka,

Kwa hakika ni balaa, kumkirimu mchawi, aliejaa uchoyo,
Bahati ina hadaa, kukupa alo sadawi, aibatili rohoyo
Mipangoyo kwake jaa, na nia ya ustawi, huwiza vunja kaniyo,
Mtu kuwa na tamaa, akitaka kiso chake, ni hatari kama nyoka

Ninacho change killo, ninalia sanasana, kinyesi nimetupiwa,
Ningetoa azimio, lakini uwezo sina, kwa matatizo kuambiwa,
Ama nitumie mbio, fuadi ninanena, akilini nazuiwa,
Mtu kuwa na tamaa, akitaka kiso chake, ni hatari kama nyoka.

MASWALI:

- a) Lipe shairi hili anwani mwafaka. (alama 1)
- b) Fafanua mambo **matatu** ambayo nafsini analalamikia. (alama 3)
- c) Ainisha shairi hili kwa kuzingatia vigezo vifuatavyo. (alama 3)
- (i) Idadi ya vipande katika kila mshororo
- (ii) Mpangilio wa vina katika kila ubeti
- (iii) Idadi ya mishororo katika kila ubeti
- d) Andika ubeti **wa nne** katika lugha nathari. (alama 4)
- e) Bainisha tamathali mbili za usemi zilizotumiwa katika shairi hili. (alama 2)
- f) Huku ukitoa mifano, onyesha mbinu mbili alizotumia mshairi kutosheleza mahitaji ya kiarudhi. (alama 2)
- g) Andika aina mbili za urudiaji zilizotumiwa katika shairi hili. (alama 2)
- h) Fafanua muundo wa ubeti **wa tano**. (alama 3)

AU

7. Soma shairi lifuatalo kisha ujibu maswali.

Na ujenge nyumba yako, jingi jasho likuoshe,

Ufyeke, upime na uweke nguzo,

Kisha paa uweke na ukandike,

Siku nyingi bila kuingiliwa na mgeni hutakaa.

Wataanza kutalii mpaka mende usiku,

Nje na ndani ya nyumba watazunguka,

Bila woga, bila ruhusa ulichonacho watakula,

Masalia yatakuwa yako, ijara ya kaziyo.

Na nyingi dawa uweke, nyumba nzima uihame,

Ukae nje nzima siku usubiri,

Wazima wamelala ukirudi usiku,

Vichwa vigumu hawafi mende rahisi.

Kifo cha mende sharti miguu juu

Kichwa ukikanyage kipasuke usikie,

Na kisha wengine usiku mchana uwasake.

Mpaka watakapokwisha. Usiseme nao.

Maswali

(i) Hili ni shairi la aina gani?

(alama 1)

(ii) Eleza **muundo** wa shairi hili

(alama 3)

iii) Eleza jinsi mshairi alivyoutumia **uhuru** wake katika utunzi wa shairi hili.

4) **(alama**

iv)Taja mbinu **mbili za lugha** alizotumia mshairi na uzitolee mifano.

(alama 4)

v)Andika **ubeti wa tatu** kwa lugha nathari.

(alama 4)

vi)Eleza **ujumbe** wa mshairi.

(alama 2)

vii)Toa mfano mmoja wa mshororo **mshata**.

(alama 1)

viii)Kichwa gani kinaliafiki shairi hili?

(alama 1)

SEHEMU E:

HADITHI FUPI

Mapambazuko ya Machweo na Hadithi Nyingine.

8. Harubu ya maisha *Paul Nganga Mutua*

“Naja. Nakamilisha shughuli ndogo hapa kisha nianze safari...”

- (a) Weka dondoo hili katika muktadha wake **(alama 4)**
- (b) Eleza sifa sita za msemaji wa kauli hii **(alama 6)**
- (c) Jadili changamoto wanazokumbana nazo waajiriwa kwa kurejelea hadithi hii. **(alama10)**